



SAKSFRAMLEGG

Saksnr:	Utval:	Dato
15/2023	Formannskap/plan- og økonomiutvalet	17.01.2023

Sakshandsamar:	Arkiv:	ArkivsakID
Tore Henrik Øye		22/1311

SØKNAD OM TILSKOT TIL INNKJØP AV BÅT FOR BRUK I NESHEIMSVATNET VAKSDAL KOMMUNE SITT FOND FOR VILT, FISKE OG FRILUFTSLIV

Vedlagte saksdokument:

Båtsøknad Vaksdal

Kommunedirektøren sitt framlegg til vedtak:

Øvre Eksingedalen grunneigarlag får tildelt inntil kr. 20 000,- i tilskot frå Vaksdal kommune sitt fond for vilt, fiske og friluftsliv, til innkjøp av ny båt for bruk ved fiske og andre friluftaktivitetar i Nesheimsvatnet.

Tildelinga er gjort av Formannskapet og plan-/økonomiutvalet (FPØ), med bakgrunn i fondsvedtektene §§ 2 og 5.

Tilskotet utgjør 51 % av godkjent kostnad på kr. 39 224,- eks. mva., og er knytt til innkjøp av sjølve båten.

Tilskotet kan bli avkorta ved eventuell, annan finansiering/kostnadsdekning.

Tilskotet vert betalt ut når sluttrapport med dokumentasjon av kostnader og kostnadsdekning er sendt til kommunen.

Frist for gjennomføring er sett til 01.12.24. Etter dette fell midlane bort.

Saksopplysningar:

Samandrag/konklusjon (kort om saka)

«Vaksdal kommune sitt fond for vilt, fiske og friluftsliv» skal nyttast til å fremje aktivitet og engasjement kring fondsføremåla.

Øvre Eksingedalen grunneigarlag søker om fondsmidlar til innkjøp av ny robåt for bruk ved fiske i Nesheimsvatnet, og evt. andre friluftslivsaktivitetar.

Kommunedirektøren finna at tiltaket er i samsvar med fondsføremåla, og går inn for å løyve inntil kr. 20 000,- i fondsmidlar, fortrinnsvis knytt til innkjøp av sjølve båten.

Bakgrunn for saka

«Vaksdal kommune sitt fond for vilt, fiske og friluftsliv» skal nyttast til å fremje fondsføremåla gjennom ulike prosjekt, tiltak og aktivitetar, jf. vedtektene for fondet, § 2 «Føremål».

Fondsmidlane kjem frå overføring etter regulering av Eksingedalsvassdraget og utbygging av Åsebotn kraftverk. FPØ er fondstyret, og vedtek tildeling av midlar etter innstilling frå administrasjonen.

I søknad av 26.08.22 søker Øvre Eksingedalen grunneigarlag om tilskot til innkjøp av robåt, type «Vinstra», til bruk ved fiske i Nesheimsvatnet.

Føremålet med innkjøpet er å betre tilbodet for fiske i vatnet, ved at fiskarar som kjøper fiskekort kan gjere nytte av båten. Båten skal erstatte gamal båt, og er kjøpt inn/teken i bruk.

Kostnaden med innkjøpet vart som følgjer:

Båt		31 000,-
Årer		2 000,-
Køyring 641 km a 5.03	3224	
Ferger og bommer	1500	
Overnatting	1500	
Transport		6 224,-
SUM		39 224,-

Søklar har ikkje søkt om eit spesifisert beløp. Det er òg søkt Eviny om tilskot.

Etter årleg utlysing kom det inn to søknadar om tilskot frå fondet, med kr. 48 000,- i samla søknadsbeløp.

Fondet sin fondskapital er kr. 984 141,- per- 01.12.22. I følgje vedtektene § 3, skal grunnkapitalen (bunden kapital) vere kr. 250 000,-. Midlar ut over dette er frie fondsmidlar.

Formelt grunnlag:

- Vedtekter for Vaksdal kommune sitt fond for vilt, fiske og friluftsliv.

Vurdering og konsekvensar

Søknaden frå Øvre Eksingedalen grunneigarlag er i tråd med fondsføremålet og intensjonen med midlane, jf. 2 og 5 i vedtektene. I dette høve er det grunnlag for å løyve tilskot.

Øvre Eksingedalen sel fiskekort for lagsområdet i Eksingedalsvassdraget, og samarbeider med Ekso Villfisk om fiskekultivering og tilrettelegging for fiske. Interesse for å fiske i vassdraget har vore aukande. I dette høvet vil innkjøpet av ny robåt kunne styrkje tilbodet og tilrettelegginga.

Fondssaldoen per 01.12.21 gjev eit vidt handlingsrom for tildeling av midlar frå fondet, også ut frå søknadane som er komne inn ved gjeldande søknadsomgang. I dette høvet finn Kommunedirektøren grunnlag for å løyve midlar til Øvre Eksingedalen grunneigarlag, med framlegg om inntil kr. 20 000,- i tilskot (inkl. mva). Laget får ikkje refundert momsen.

Tilrådinga at tilskotet vert knytt opp til innkjøp av sjølve båten, og at tilskotet vert betalt ut etter dokumentert kostnadsdekning. Tilskotet må i dette høvet også sjåast opp mot løyving frå evt. andre

kjelder.

Framlegget til løyving er vurdert opp mot alternativ bruk, og vurderinga er at tildelinga ikkje vil gå nemneverdig ut over fondet sitt handlingsrom, eller grunnlaget for å løyve midlar til andre søkjarar. Elles er det naturleg å prioritere tiltak som vektlegg aktivitet, som innkjøp av båt for fiske. Framlegget til tildeling vert òg sett i høve til vedtektene sin mål/føringar om følgjande fordeling mellom fondsføremåla over ein femårsperiode. jf. § 5:

- Fiske: 50 % - Vilt: 25 % - Friluftsliv 25 %

Status viser følgjande fordeling i den siste femårsperioden, inkl. 2022 (omtrentleg):

- Fiske: 68 % - Vilt: 19 % - Friluftsliv 13 %

Bruken dei siste fem åra, viser overvekt på fiskeføremål, og mindre bruk enn målsetjinga til vilt- og friluftslivstiltak. Bruken uttrykker aktiviteten – og interessa for midlane - innanfor dei ulike fondsføremåla. Dette forholdet bør sakshandsamar vere merksam på framover, med tanke på marknadsføring av midlane, og stimulering til tiltak, innafor vilt og friluftsliv.

Sjølv om det er brukt mest midlar på fiskeføremål, innstiller likevel Kommunedirektøren på å løyve midlar til innkjøp av båt for bruk i Nesheimsvatnet. Dette byggjer mellom anna på at fondsforvaltinga ikkje bør avgrense bruken av midlar til gode føremål, når det ikkje særleg behov for prioritering mellom søknadar, grunna stor konkurranse om midlane.

Sjølv om ny båt først og fremst er meint for Nesheimsvatnet, er det naturleg å oppmode til bruk av båten etter behov innanfor lagsområdet, ved å leggje naudsynte omsyn ved flytting til grunn. Det vert vidare føresett at bruken i Nesheimsvatnet vert tilpassa vernereglane for Nesheimsvatnet naturreservat.

Konklusjon:

Med bakgrunn i fondsvedtektene, tiltaket sitt føremål, tilgjengeleg fondskapital og andre, innkome søknadar, går Kommunedirektøren inn for å løyve inntil kr. 20 000,- i fondsmidlar til innkjøp av robåt for bruk ved fiske i Nesheimsvatnet.